

PAVLVS IOVIVS COSMO
MEDICI ILLVS RISS.

FLORENTIAE DVCI.

S. P. D.



NSIGNIVM aliquot Procerum uitæ imitatione Plutarchi summæ glauitatis philosophi, à me, licentiore stilo perscriptæ, quibus tu magnanime Cosme spiritum dedisti, quum elegantissimis formis ut luculentius in publicum prodirent, excudendas curaueris, iure optimo patrocinium tuum depositum aduersus obtrectatores, uel hac una ratione, quod censuræ tuæ iudicium subierint. Agnoscis enim (ut qui nostrorum temporum historiam exactissime calles) quo animi candore, quoé studio & pudore afferendæ ueritatis, ea quæ nos uidimus, posteriorum memoriae tradidem. Intemperantis nanque ingenii foret, ea mandare literis atque edere, quæ summorum Ducum & Principum, qui adhuc uiuunt & florent, testimonio refelli possint; ut iam non aliunde locupletior & certior fides scriptis nostris constet, quam ex his quæ à summis Regibus & Ducibus, qui bella gesserunt, enarrata referuntur; Quando hæc, infinita prope diligentia indaganti mihi (quod in tanto suscepto negotio summæ felicitatis fuit) cum uniuersis cunctarum proprie nationum Ducibus, aut illustris amicitia, aut non obscura familiaritas intercesserit, ut ex ipsorum sermone rerum gestarum consilia atque euentus noscerentur. Quid enim uniuersam toto cognito orbe collectam historiam, à quinquaginta ab hinc annis scribere auso, tantumque opus non inuita Minerua ad hunc usque annum perducenti, aut in hac uita beatius, aut post mortem extincta demum inuidia gloriosius euenire potuit, quam hoc incorruptæ libertatis specimen prætulisse? Sed id opus quod iam planè absolutum propediem edetur, excitabit (ut reor) apud nos externasque gentes, dissinos clamores, ut libido cuiusque feret, inter ambi-

A ii